

政典^上

政之大體統輯神人薦禋秩禮劭稼明倫糧委於庠兵宿於屯桐生豫茂永戢災氛志政典

祭祀

壇廟附

文廟在城內西北隅乾隆十三年知縣羅仰鑣所建也

大成殿凡三楹東西兩廡在大成門內崇聖祠在殿後名宦祠在大成門東鄉賢祠在大成門西廟之外東爲忠義祠西爲節孝祠再西爲明倫堂泮池黌牆規制略具乾隆二十六年兩廡及鄉賢祠圯知縣鄒尙易捐俸修葺令諸生李珪董其事嗣後或少有隳壞隨時補葺而已同治九

年教諭張大壯見宮牆傾塌率諸生醵貲重修惟舊稱缺尊經閣及省牲所至今仍有待也

大成殿

至聖先師孔子

四配

復聖顏子

魏正始七年配唐貞觀稱先師開元稱亞聖唐

未自太子少師太師兗公累封至兗國公元至

順元年稱兗國復聖公明景泰三年置博士嘉靖九年改稱復聖

宗聖曾子

唐總章元年配開元八年列像十哲之末宋咸

淳三年重配唐宋自太子少保太師鄆伯瑋邱

侯鄆侯武城侯累封至鄆國公元稱鄆國

宗聖公明嘉靖十八年置博士改稱宗聖

述聖子思子

宋大觀二年從祀端平二年升十哲咸淳三

年配封沂國公元稱沂國述聖公明宏治十

六年置博士

改稱述聖

亞聖孟子

宋元豐七年配封鄒國公元稱鄒國亞聖公明景泰三年置博士改稱亞聖

十二哲

東序

閔子

字子騫魯人唐贈費侯宋瑯琊公改費公康熙三十九年置博士

冉子

字仲弓魯人唐贈薛侯宋下邳公改薛公雍正二年置博士

端木子

賜字子貢河南衛輝人唐贈黎侯宋黎陽公改黎公康熙三十九年置博士

仲子

由字子路卞人唐贈衛侯宋河南公改衛公崇禎十六年置博士

卜子

商字子夏衛人唐贈衛侯宋河東公改魏公康熙五十九年置博士

有子

若字子有魯人唐贈卞伯宋平陰侯雍正二年置博士

西序

冉子

耕字伯牛兗州人唐贈鄆侯朱東平公改鄆公雍正二年置博士

宰子

字子我魯人唐贈齊侯朱臨淄公改齊公

冉子

求字子有魯人唐贈徐侯朱彭城公改徐公

言子

偃字子游吳人唐贈吳侯宋丹陽公改吳公康熙五十一年置博士

顓孫子

師字子張陳人唐贈陳伯宋宛邱侯改陳公康熙五十一年置博士

朱子

熹字元晦號江菴婺源人徙居建陽之考亭仕歷部郎提刑修撰待制漳州府注東轉運廣南經

畧荆湖安撫等官贈寶謨閣學士諡文宋封信國

公改徽國元改齊國明景泰六年置建陽博士嘉

靖二年置婺源博士宋淳祐元年從祀兩

廡明崇禎十五年稱先賢列漢唐諸儒上

國朝康熙五十一年

年升十二哲

東廡先賢

公孫僑

字子產
鄭人

林放

字子邱魯人石室圖列入弟子內明
嘉靖九年改祀於鄉雍正二年復祀

原憲

字子思
商邱人

南宮适

字子容
魯人

商瞿

字子木
曲阜人

漆雕開

字子開
蔡人

司馬耕

字子牛
宋人

梁鱣

字叔魚
兗州人

冉孺

字子魯
魯人

伯虔

字子析
魯人

冉季

字子產
魯人

漆雕徒父

字子有
魯人

漆雕哆

字子斂
魯人

公西赤

字子華
魯人

任不齊

字子選
楚人

公良孺

字子正
陳人

公肩定

字子中
魯人

鄒單

字子家
聊城人

罕父黑

字子索
魯人

榮

旗

字子祺
魯人

左人郢

字子行
魯人

鄭

國

字子徒
魯人

原

亢

字子籍
魯人

廉

潔

字子庸
衛人

叔仲會

字子期
晉人

公西輿如

字子上
兗州人

邾異

字子斂
魯人

陳

亢

字子禽
陳人

琴

張

字子開一名牢
字子張
衛人

步叔乘

字子車
齊人

秦非

字子之
魯人

顏噲

字子聲
魯人
以開元時從祀

顏何

字子冉
魯人
嘉靖時罷雍正時復祀

縣亶

字子象
魯人

牧皮

雍正三年增祀

樂正克

雍正二年從祀

萬章

孟廟四配政和中從祀孟廟雍正二年從祀孔廟乾隆二十一年改稱先賢某子

周敦頤

濂溪先生字茂叔道州營道縣人知南康軍虞部郎中贈諡元封汝南伯元加道國公淳祐元年從祀崇禎十五年稱先賢

明景泰六年置博士

程顥

明道先生字伯淳河南人官太子中允權監察御史追諡純封河南伯元加豫國公宋淳祐元年從

祀明改先賢崇

禎三年置博士

邵

雍

康節先生字堯夫河南人兩舉逸授將作監補團練推官贈著作郎諡康節封新安伯淳祐三年從

祀明改先賢崇

禎三年置博士

西廡先賢

遽

瑗

字伯玉衛人石室圖列入弟子內明嘉靖九年改祀於鄉雍正二年復祀

澹臺滅明

字子羽武城人

宓不齊

字子贈魯人

公冶長

字子長魯人

公哲哀

字季次齊人

高柴

字子羔齊人

樊須

字子遲魯人

商澤

字子季魯人

巫馬施

字子旗一名期

顏辛

字子柳魯人

曹卣

字子循蔡人

公孫龍

字子石衛人戰國時另一人

秦商

字子丕

顏高

字子驕一名刻曲阜人

壤駟赤

字子徒秦人

石作蜀

字子明
陝西人

公夏首

字子乘
魯人

后處

字子里
青州人

奚容蒧

字子哲
衛人

顏祖

字子襄
魯人

句井疆

字子界
衛人

秦祖

字子南
秦人

縣成

字子祺
魯人

公祖句茲

字子之
魯人

燕伋

字子思
魯人

樂

欬

字子聲
魯人

狄

黑

字子哲
魯人

孔

忠

字子茂
孔兄之子

公西蒧

字子上
魯人

顏之僕

字子叔
魯人

施之常

字子恆
兗州人

申

棖

字子周
魯人
以上開元時從祀

左邱明

中都人
魯太史
唐貞觀中從祀
明嘉靖九年稱先儒
崇禎十五年改稱先賢

秦冉

字子開
嘉靖時罷
雍正二年復祀

公明儀

武城人
咸豐二年從祀

公都子

雍正二年從祀

公孫丑

齊人雍正二年從祀

張載

橫渠先生字子厚大梁人崇文院簽書知太常院諡明封郕伯淳祐元年從祀明改先賢天啟二年

置博士

程頤

伊川先生字正叔明道之弟官崇政殿說書追諡正封伊陽伯元加洛國公宋淳祐元年從祀明改

先賢景泰六

年置博士

東廡先儒

公羊高

齊人子夏弟子唐貞觀時祀

伏勝

濟南人秦博士傳尚書唐貞觀時祀今置鄒平博士

毛亨

魯人同治二年從祀

后 蒼

鄉人東漢禮宗
明嘉靖九年祀

鄭康成

北海高密人漢獻帝時以大司農徵唐貞觀二十
一年從祀宋封高密伯明嘉靖中改祀於鄉雍正

二年
復祀

范 甯

字武子晉中書侍郎豫章太守著穀梁集解
貞觀時祀嘉靖時改祀於鄉雍正二年復祀

陸 贄

字敬輿嘉興人唐中書侍郎同
平章事諡宣道光六年增祀

范仲淹

字希文吳縣人仁宗參政宣撫
使諡文正康熙五十四年增祀

歐陽修

字永叔廬陵人宋參政
諡文忠明嘉靖九年祀

司馬光

字君實夏縣涑水鄉人宋尙書左僕射諡
文正封溫國公配享哲宗咸淳三年祀

謝良佐

字顯道上蔡人道
光二十九年從祀

羅從彥

豫章先生字仲素沙縣人龜山弟子
宋博羅主簿諡文質隆慶六年祀

李

綱

字伯紀邵武人
咸豐元年從祀

張

忭

南軒先生字敬夫綿竹人浚之子官吏
部侍郎知江陵府諡宣景定二年從祀

陸九淵

象山先生字子靜金谿人宋荆
門知軍諡文安嘉靖九年從祀

陳

淳

北溪先生安鄉龍溪人朱子弟
子宋安溪主簿雍正二年增祀

眞德秀

西山先生字景希浦城人宋知制誥拜參
政諡文忠明封浦城伯正統四年從祀

何

基

字子恭金華人宋授教授校勘說書
等官皆不受諡文定雍正二年增祀

文天祥

字宋瑞廬陵人道
光二十六年從祀

趙

復

江漢先生字仁甫德安人
不仕元雍正二年增祀

金履祥

仁山先生字吉父蘭溪人王伯弟子宋以
史館編修召未用國亡雍正二年增祀

陳

澔

字雲莊江西都
昌人元時著禮

方孝孺

明儒同治二年從祀

薛瑄

敬軒先生字德溫山西河津人時稱薛夫子明大理卿諡文清隆慶五年祀

胡居仁

敬齊先生字叔心餘干人明布衣追諡文敬萬曆十二年祀

羅欽順

整菴先生字允升泰和人明尚書諡文莊雍正二年增祀

呂柟

明臣同治二年從祀

劉宗周

念臺先生字起東山陰人明左都御史乾隆四十一年追諡忠介道光二年增祀

孫奇逢

字啟泰容城人明萬曆舉人屢徵不就道光八年增祀

張履祥

楊園先生字考夫一字念芝桐鄉縣人著楊園全書經正錄願學記問目備忘錄初學備忘學規訓

子語答問門人所記言行聞見錄近古錄近鑑喪祭雜說農書同治十三年從祀

陸隴其

字稼書平湖人國朝縣令內陞御史乾隆元年追諡清獻雍正二年增祀

西廡先儒

穀梁赤

魯人子夏弟子
唐貞觀時祀

高堂生

魯人漢禮經博士
唐貞觀時祀

董仲舒

廣川人漢景時博士
元至順元年祀

毛萇

趙人漢河間獻王博士善說
詩世稱小毛公唐貞觀時祀

杜子春

河南緱氏人漢周
官家唐貞觀時祀

諸葛亮

字孔明瑯琊人蜀漢丞相
諡忠武雍正二年增祀

王通

字仲淹龍門人不仕隋私
諡文中子明嘉靖九年祀

韓愈

字退之南陽人唐吏部侍郎諡文封昌
黎伯宋元豐七年祀乾隆二年置博士

胡瑗

安定先生字翼之海陵人宋湖州教
授天章殿侍講諡文昭嘉靖九年祀